



Sakspapir

Sakshandsamar	Arkiv	ArkivsakID
Signe Råheim	FE-090	18/416

Saksnr	Utval	Type	Dato
042/19	Formannskapet	PS	09.04.2019
025/19	Kommunestyret	PS	23.04.2019

Revisjon av reglement for pendlartilskot

Vedlegg:

Pendlartilskot-framside

Pendlartilskot - innleiing

Pendlartilskot - andre ytingar

Pendlartilskot - rute og antal dagar

Pendlartilskot - vedlegg

Pendlartilskot - kontroll

Saksutgreiing:

Bakgrunn

På førre formannskapsmøte vart det føreslege endringar i reglement for pendlartilskot. Bakgrunnen var eit avslag på ein konkret søknad om pendlartilskot som ikkje var i tråd med politikarane sin intensjon, men i tråd med reglementet. Formannskapet ønskte å vurdere om studentar også burde kunne få pendlartilskot.

Kontrollutvalet stilte i sitt møte også spørsmål ved om punkt 4 i reglementet var uklårt.

I dag ser reglement for tildeling av pendlartilskot slik ut:

1. Ordninga for pendlartilskot gjeld for dei som bur fast på Fedje og pendlar minst 3 dagar pr. veke.
2. Årleg tilsskotsum vert fastsett av kommunestyret i budsjetthandsaminga og vert avkorta etter talet på dagar ein pendlar pr veke.
3. Søknad skal sendast etterskotsvis og innan 30.06 og 30.11. kvart år. Søknader som kjem etter søknadsfristen vert ikkje handsama.
4. Førstegangssøkjjarar må leggje ved stadfesting på arbeidsforhold. Endringar i arbeidsforhold må dokumenterast. Fedje kommune skal ha melding om fråvær på meir enn 2 veker (gjeld ikkje fråvær pga ferie).

Vedlagt til utskrift av digitalt søknadsskjema om pendlartilskot, slik kommunen nyttar det no.

Vurdering

Pendlartilskot til studentar:

Om intensjonen med pendlartilskot er å få folk til å verte buande på Fedje, er det naturleg at også studentar får høve til å søkje på pendlartilskot. Det har tidlegare vore gjeve pendlartilskot til ein student, men det var før endringa i pendlartilskot vart vedteke hausten 2018. Etter ordlyden i det nye reglementet, var det etter administrasjonen si tolking ikkje høve til å gje til studentar, berre til



Fedje kommune

dei som kunne dokumentere eit arbeidsforhold.

Det går fint an å gje pendlartilskot til studentar så langt dei legg fram stadfesting på studieplass. For å få pendlartilskot må ein ha reelle utgifter til pendling. Det er ikkje meininga at Fedje kommune skal betale ut pendlartilskot til pendlarar som får dekkja reiseutgiftene sine av fylkeskommunen eller arbeidsgjevar, som til dømes elevlar på vidaregåande skule. Det må i så fall leggjast inn i reglementet.

Fråtrekk for lengre fråvær - klargjering:

Reglementet opnar for fråtrekk om ein har eit lengre avbrekk i pendlinga, som ikkje er ferie. Me har fått innspel på at desse reglane er noko uklære. Ei deling av punkt 4 i punkt 4 og punkt 5 kan gjere punkt 4 meir oversiktleg å forstå. Me føresler difor at nye punkt 4 vert «Førstegangssøklarar må leggje ved stadfesting på arbeidsforhold/studieplass. Endringar i arbeidsforhold må dokumenterast.». Forslaget til punkt 5 er at «Fedje kommune skal ha melding om fråvær på meir enn 2 veker (gjeld ikkje fråvær pga ferie). Fråvær på meir enn 2 veker, som ikkje er ferie, vert trekt forholdsmessig frå på pendlartilskotet». Viss det skal vere slik at ein må ha reelle utgifter for å få pendlartilskudd, er det nausynt å vite om fråvær som er lengre enn to veker.

Opne opp for tilskot til pendling ned til ein dag i veka:

For å få pendlartilskot må ein pendle minst tre dagar i veka. Dette fører til at me gjev pengar til dei som pendlar mykje og mest truleg vil kome over grensa på 22 350 kr for frådrag i likninga for kostnader til reiser mellom heim og fast arbeid. Dei som pendlar fast få dagar i veka og har ein liten stilling med ei lita inntekt, får verken pendlartilskot eller pendlarfrådrag frå staten. Det er dei med låg inntekt pendlartilskotet ville ha hjulpet mest. Me ber politikarane vurdere om det er i tråd med intensjonen å opne for dei som pendlar mindre enn 3 dagar i veka. Viss ein skal gje pendlartilskot til dei som pendlar lite, må det gjerast endringar i punkt 1 slik at det gjeld for alle som pendlar fast.

Tilbakeverkande kraft:

Ein konkret søknad om pendlartilskot for ein student vart avslått hausten 2018. Det vart ikkje klaga på vedtaket. Om dette vedtaket ikkje var i tråd med politikarane sin intensjon då reglementet vart revidert hausten 2018, er det mogleg å opne opp att for søknader frå studentar for tidsperioden hausten 2018 no i vår.

Folkehelse – ikkje aktuelt

Miljø – ikkje aktuelt

Økonomi – viss pendlartilskot også skal gjelde for dei som studerer og alle som pendlar fast minst 1 dag i veka, vil det føre til at utgiftene til pendlartilskotet vil auke. Om me opnar opp for «ettersøknadar» for hausten 2018, vil me måtte rekneskapsføre tilskot for 2018 i 2019, sidan rekneskapen for 2018 er ferdig.

Konklusjon

Om kommunestyret ønskjer dei føreslåtte endringane, vert reglement for pendlartilskot endra slik:

Punkt 1 vert endra til:

1. Ordninga for pendlartilskot gjeld for dei som bur fast på Fedje og pendlar fast minst 1 dag i veka. Det er ein føresetnad at ein kan dokumentere reelle utgifter til pendling på førespurnad.

Punkt 4 vert endra til punkt 4 og 5 slik:

4. Førstegangssøklarar må leggje ved stadfesting på arbeidsforhold eller studieplass. Endringar i arbeidsforhold/studieforhold må dokumenterast.

5. Fedje kommune skal ha melding om fråvær på meir enn 2 veker (gjeld ikkje fråvær på grunn av



Fedje kommune

ferie). Fråver ut over 2 veker fører til forholdsmessig trekk i pendlartilskotet.

Forslag til vedtak:

Reglement for pendlartilskot i Fedje kommune vert som følgjer:

1. Ordninga for pendlartilskot gjeld for dei som bur fast på Fedje og pendlar fast minst 1 dag i veka. Det er ein føresetnad at ein kan dokumentere reelle utgifter til pendling på førespurnad.
2. Årleg tilskotsum vert fastsett av kommunestyret i budsjetthandsaminga og vert avkorta etter talet på dagar ein pendlar pr veka.
3. Søknad skal sendast etterskotsvis og innan 30.06. og 30.11. kvart år. Søknader som kjem etter søknadsfristen vert ikkje handsama.
4. Førstegangssøkjjarar må leggje ved stadfesting på arbeidsforhold eller studieplass. Endringar i arbeidsforhold/studieforhold må dokumenterast.
5. Fedje kommune skal ha melding om fråver på meir enn 2 veker (gjeld ikkje fråver på grunn av ferie). Fråver ut over 2 veker fører til forholdsmessig trekk i pendlartilskotet.

I tillegg vert det , som einskildhøve, opna opp for at søkjarar som pendla fast til studie hausten 2018 kan søkje innan 9.mai 2019 om å få dekkja pendlarutgifter for hausten 2018.

Formannskapet - 042/19

F - behandling:

F - vedtak:

Reglement for pendlartilskot i Fedje kommune vert som følgjer:

1. Ordninga for pendlartilskot gjeld for dei som bur fast på Fedje og pendlar fast minst 1 dag i veka. Det er ein føresetnad at ein kan dokumentere reelle utgifter til pendling på førespurnad.
2. Årleg tilskotsum vert fastsett av kommunestyret i budsjetthandsaminga og vert avkorta etter talet på dagar ein pendlar pr veka.
3. Søknad skal sendast etterskotsvis og innan 30.06. og 30.11. kvart år. Søknader som kjem etter søknadsfristen vert ikkje handsama.
4. Førstegangssøkjjarar må leggje ved stadfesting på arbeidsforhold eller studieplass. Endringar i arbeidsforhold/studieforhold må dokumenterast.
5. Fedje kommune skal ha melding om fråver på meir enn 2 veker (gjeld ikkje fråver på grunn av ferie). Fråver ut over 2 veker fører til forholdsmessig trekk i pendlartilskotet.

I tillegg vert det , som einskildhøve, opna opp for at søkjarar som pendla fast til studie hausten 2018 kan søkje innan 9.mai 2019 om å få dekkja pendlarutgifter for hausten 2018.



Fedje kommune

Samrøystes vedteke.